

فيه أيه يا بلد..

مالك ؟ .. بتتغيرى ؟ عارف.. لكن بتتغيرى إلى  
أيه .. واخده عيالك على فين يابلد.. طالع القمر  
والللا.. منزلهم سابع أرض.. راكبه صاروخ  
الزمن وطاله.. على بكره والللا.. على امبارح  
والللا.. على زمن لسه مانعرفهوش.

ودننا طقت من كلام وصوت على.. صوت العجر  
والللا.. صوت النخبة والللا.. صوت العرب والللا..  
صوت العرب دى إزاعه.. أو إشاعه.. أو  
بشاعه.. حتى بقى شماعه.. للى عايز ينهشك..  
يبلعك.. من الإخوة والللا.. من الغربان والللا..  
من العربان.

فيه أيه يا بلد.. أو عى تصدقى إنك صحيتى لأ..  
إنتى لسه ماصحيتيش.. إنتى كنتى بس بتتقلبنى..  
بتغيرى راسك على المخدة.. يمكن تفوقى.. يمكن  
تقومى من ثباتك.. يمكن بتصحى.. لكن لسه ما  
صحيتيش..

فيه أيه يا بلد.. مش قادرة تفتحى عنكى..  
تشوفى أيه إللى بيجرى فيكى وإللى حواليكى..  
وتمدى إيدك فى أيد ولادك إللى تحت رجلكى..  
وتكبرى اللمه.. وتزحزحى الغمه.. وتحركى  
الهمه.. وتصحى الزمه..

أسمعيها بجد.. من ابن نفسه يتولد فيكى من  
جديد.. يهد قلب الحجر، والعزم منك حديد..  
يحرق شياطين الدجى والعمته، ويجيبلك نهار  
جديد.. شمسته علما وسلاما.. ضلته صانع على  
صدرك وسام.. طلته طلة سعيد.. بصحوتك فى  
يوم العيد..

فيه أيه يا بلد.. عماله بتموجى.. ما تخلصى بقه  
وتصحى وتفوقى.. واغزلى فستانك من زرعتى  
و صنعتى وبوقى.. يا جمالك يا بلدى لما تفوقى..  
وتروقى..